



論蘇聯之裁兵宣傳

蘇聯爲配合其對自由世界之和平攻勢，除提出召開亞爾賓議之外，又復自稱裁軍，據其塔斯社之宣佈，現已裁減之軍額爲三十萬人，包括駐東德之蘇軍四萬人。駐匈牙利蘇軍一萬七千人，「蘇聯政府在普遍裁軍達成協議之前，單方採取此一步驟，實爲重大之貢獻，有助於和緩緊張局勢，及建立國與國間相互信任之空氣」，凡對蘇聯之野心及其作風有認識者，自均不信其爲由衷之言也。

查蘇方自二次大戰結束之後，即始終保持其原有兵額，並未復員，蓋彼旣無民意機構之反對，亦無因軍費過重而感器指爲艱之情形，所謂裁軍云云，實際僅爲淘汰老弱，補充新兵而已，裁軍不啻爲增強軍力，與宣傳正得其反焉。

於一九五六年之時，蘇方曾宣稱已裁軍一百八十四萬人，今乃又稱裁軍卅萬人，如以此數爲基準，即已超於二百萬之數，但以吾人所知，蘇軍之駐在各東歐附庸國者，當在百萬以上，其本土方面如西伯利亞及高加索兩軍區之龐大軍力，更爲人所習知，綜計其國內外之軍隊，爲數不下五百萬人，於戰後十年間，更換其三分之一之衰老殘廢人員，殆屬常事，是以蘇聯之所謂裁軍，不過爲新陳代謝之作用，並非事實也。

蘇聯於東德境內經常駐軍二十師，其調撥四萬人回國遣散，不足視爲大事，且此四萬官兵之中，可能均爲視作思想不穩之份子，而須予以消滅者，試觀近日駐於東德之蘇軍官集體逃入西德求政治庇護之情形，即可想見，至於其謂由匈牙利調回裁撤之萬餘人，其情況當亦相同，凡此均非裁軍之正當方法，絕難欺世者。

因此之故，蘇聯之所謂裁軍，其主要者乃在除舊更新，其次則清除不穩份子，並非真心之裁軍，已屬昭然若揭，其作用不過爲對世界作虛偽之宣傳，企圖惑使西方國家信以爲真，而誤認其具有和平誠意，接受其新倡議之「美蘇直接談判」，「簽訂互不侵犯條約」等主張，以便瓦解自由世界集體防衛之措施而已。蘇聯對世界決無和平誠意，對人類決不放棄其征服之野心，是以所有一切表示和平之言固爲造心之論，表示和平之行，亦莫均且有陰謀在，世人如信以爲真，即將被欺，西方列強如亦信以爲真，即不啻於自行解除防衛之力量矣。

新邊麵包

錦繡芙蓉

【春別客】

【春別客】